



## ՀԱՄՈՒ ՍԱՍԻՅԱՆ

### Ինչ արած, մարդ եմ

Ինձ ճանաչելը մի քիչ դժվար է,  
Հասկացեք, Էլի, ես մի քիչ բարդ եմ,  
Քարի պես պինդ եմ, հողի պես փխրուն,  
Ինչպես շլինի դեռ մի քիչ մարդ եմ:

Ես իմ իշխանն եմ, իմ գլխի տերը,  
Եվ ինձ թվում է՝ մեծ ու անպարտ եմ,  
Բայց ինչ-որ չափով և ինչ-որ մի տեղ  
Դեռ թիապարտ եմ:

Մերթ ոտից գլուխ գարդեր եմ հագնում,  
Մերթ այնպես անշուք, պարզ ու անգարդ եմ,  
Մերթ քար ու քարափ, մերթ վայրի խոպան,  
Մերթ կանաչ անտառ ու ցանած արտ եմ:

Հավիտենության լծորդն եմ անդուլ,  
Բայց և կարճատև մի ակնթարթ եմ,  
Փոթորիկներ եմ եռում հատակիս,  
Թեև երեսից այսպես հանդարտ եմ:

Կյանքս ավարտելու վրա եմ արդեն,  
Բայց ինքս, ավա՛ղ, դեռ անավարտ եմ...  
Ինձ ճանաչելը մի քիչ դժվար է,  
Հասկացեք, Էլի, ի՞նչ արած, մարդ եմ: